



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-393-3/25**

Datum: **10.10.2025. godine**

„Agencija za vodno područje rijeke Save“ Sarajevo rješavajući po zahtjevu korisnika K.J.K.P. „Vodovod i kanalizacija“ d.o.o. Sarajevo, za izdavanje vodne dozvole za zahvat vode na izvorištu „Kovačići“, općina Novo Sarajevo u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Grada Sarajevo, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06) i člana 200 stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola podnosiocu zahtjeva K.J.K.P. "Vodovod i kanalizacija" d.o.o. Sarajevo, za zahvatanje vode na izvorištu „Kovačići“, općina Novo Sarajevo u količini od cca $Q_{\min}=40$ l/s; $Q_{sr}=60$ l/s; $Q_{\max}=80$ l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Grada Sarajevo.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste a što se u ovom trenutku obezbjeđuje putem mjerača protoka-vodomjera: Vraca, proizvođač ITRON, vrsta DN 150, serijski broj:19BK048861 i Kovačići za grad, proizvođač WESAN, vrsta DN 300, serijski broj:0039939. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da korisnik vodocrpilišta u cilju kontrole, evidencije i plaćanja količina zahvaćene vode ugradi mjerni uređaj, u cilju mjerenja iste, na mjestu zahvata vode za potrebe uposlenika vodocrpilišta Kovačići.
 - 2.4. Da obezbijedi tehničku ispravnost ugrađenih mjernih uređaja za evidentiranje zahvaćenih količina vode, opreme na postrojenju za kloriranje kao i na objektima transportnog sistema (pumpe, vodomjeri, zatvarači itd.), odnosno da redovno vrši baždarenje mjerača protoka u skladu sa propisima o mjernim uređajima.
 - 2.5. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekta. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Korisnik je dužan u toku važenja ove vodne dozvole izvršiti ponovnu rekonstrukciju prostorije za hlorisanje i skladištenje hlora. Zid na kojem je instalirana oprema neophodno je popraviti tj. izvršiti rekonstrukciju istog. Podnu oblogu potrebno je prilagoditi potrebama namjene prostorije.
 - 2.8. Da korisnik osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).

- 2.9. Da kontrolu ispitivanja kvaliteta vode za potrebe vodosnabdijevanja vodom za piće mogu vršiti ovlaštene laboratorije, u skladu sa članom 48 stav 3. Zakona o vodama.
- 2.10. Da se, ukoliko se prilikom redovnih ili vanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
- 2.11. Da se stalno sprovode mjere o zaštiti izvorišta po Odluci o zaštiti planinskih izvorišta vode za piće Sarajevskog vodovodnog sistema i dijela otvorenog toka rijeke Mošćanice, "Službene novine Kantona Sarajevo", broj:22/539, decembar 1997. godine.
- 2.12. Da se u vrijeme trajanja ove vodne dozvole postojeća Odluka o zaštiti izvorišta vode za piće „Kovačići“ uskladi sa "Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva" ("Službene novine Federacije BiH", broj 88/12).
- 2.13. U cilju najstrožije kontrole prostora na kome su smješteni vodozahvatni objekat-kaptaža, skladišni i prateći objekti potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Kovačići“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
3. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
4. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
5. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
6. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.
7. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
8. Za izgradnju novog ili rekonstrukciju ili uklanjanje postojećih objekata te promjenu uslova zahvatanja vode, ako bi se time uticalo na promjenu kvaliteta i kvantiteta voda, odnosno, ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
9. Ovo Rješenje o vodnoj dozvoli može se izmijeniti ukoliko nastupe okolnosti iz člana 130. stav (1) Zakona o vodama.

Obrazloženje

K.J.K.P. „Vodovod i kanalizacija“ d.o.o. Sarajevo zahtjevom broj: 6912 od 05.09.2025. godine koji je zaprimljen na protokolu Agencije 16.09.2025. godine obratio se ovoj Agenciji sa zahtjevom za izdavanje Rješenja o vodnoj dozvoli za zahvat vode sa izvorišta „Kovačići“, općina Novo Sarajevo u količini od cca 68,50 l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Grada Sarajevo.

Uz zahtjev dostavljena je sljedeća dokumentacija:

A - Opšta dokumentacija:

- Aktuelni izvod iz sudskog registra, broj:065-0-Reg-Z-25-008613 od 30.06.2025. godine izdat od strane Općinskog suda u Sarajevu – ovjerena kopija,
- Uvjerenje o poreznoj registraciji od 24.05.2006. godine izdato od strane Kantonalnog poreznog ureda u Sarajevu – ovjerena kopija,
- Uvjerenje o registraciji/upisu u Jedinostveni registar obveznika indirektnih poreza, broj:04/1-17-1-UPJR/1-7841-2/14 od 12.01.2015. godine izdato od strane Uprave za indirektno oporezivanje Banja Luka – ovjerena kopija,
- Rješenje, broj:06-360-56/84 od 16.07.1984. godine izdato od strane Opštinske komisije za prostorno uređenje, imovinsko pravne poslove i katastar Novo Sarajevo – kopija,
- Rješenje, broj:07/1-360-131 od 12.02.1987. godine izdato od strane Opštinskog sekretarijata za urbanizam, imovinsko-pravne, stambene, komunalne i geodetske poslove opštine Novo Sarajevo – kopija,
- Odluka o zaštiti planinskih izvorišta vode za piće Sarajevskog vodovodnog sistema i dijela otvorenog toka rijeke Moščanice, „Službene novine Kantona Sarajevo“, broj:22, decembar 1997. godine – kopija,
- Punomoć podnosioca zahtjeva od 24.07.2025. godine izdata od strane KJKP „Vodovod i kanalizacija“ d.o.o. Sarajevo,
- Uputstvo za poduzimanje interventnih mjera u slučaju incidentnih zagađenja vodovodnog sistema i vodozaštitnih zona KJKP „Vodovod i kanalizacija“, mart 2018. godine,
- Opći akt o održavanju, korištenju i osmatranju objekata vodoprivrednog sistema-Vrelo Kovačići, broj:332/25 od 09.09.2025. godine,
- Kopija katastarskog plana, UR.broj:07-26-1351/2020-3 od 24.08.2020. izdata od strane Službe za imovinsko-pravne poslove i geodetske poslove i katastar nekretnina općine Novo Sarajevo – kopija,
- Zemljišnoknjižni izvadak, Katastarska općina:SP_Sarajevo_Mahala CXXXV, broj:065-0-NAR-20-056253 Zemljišnoknjižni uložak broj:575 izdat od strane Općinskog suda u Sarajevu – kopija,
- Zemljišnoknjižni izvadak, Katastarska općina:SP_Sarajevo_Mahala CXXXV, broj:065-0-NAR-20-056243 Zemljišnoknjižni uložak broj:2287 izdat od strane Općinskog suda u Sarajevu – kopija,
- Zemljišnoknjižni izvadak, Katastarska općina:SP_Sarajevo_Mahala CXXXV, broj:065-0-NAR-20-056191 Zemljišnoknjižni uložak broj:346 izdat od strane Općinskog suda u Sarajevu – kopija,
- Zemljišnoknjižni izvadak, Katastarska općina:SP_Sarajevo_Mahala CXXXV, broj:065-0-NAR-20-056245 Zemljišnoknjižni uložak broj:1599 izdat od strane Općinskog suda u Sarajevu – kopija,
- Zemljišnoknjižni izvadak, Katastarska općina:SP_Sarajevo_Mahala CXXXV, broj:065-0-NAR-20-056254 Zemljišnoknjižni uložak broj:346 izdat od strane Općinskog suda u Sarajevu – kopija,
- Rješenje o vodnoj dozvoli, broj:UP-I/25-3-40-361-5/20 od 02.10.2020. godine izdato od strane Agencije za vodno područje rijeke Save, Sarajevo – kopija,
- Ovjernica/Uvjerenje broj:025/905/20 o udovoljenju mjeriteljskim zahtjevima izdata od strane Zavoda za mjeriteljstvo - kopija,
- Ovjernica/Uvjerenje broj:026/905/20 o udovoljenju mjeriteljskim zahtjevima izdata od strane Zavoda za mjeriteljstvo - kopija,
- Zakon o koncesijama, „Službene novine Kantona Sarajevo“ br.27, oktobar 2011. godine,
- Dokaz o uplaćenju federalnoj upravnoj pristojbi na zahtjev

B - Tehnička dokumentacija:

- Vodosnabdijevanje područja Vraca, lokacija Kovačići-Vraca Sarajevo, Knjiga 4 Glavni projekat potisnog cjevovoda i gravitacionog voda te ispusta i preljeva, urađen od strane SOUR Unioninvest Sarajevo,1981 godine,
- Vodosnabdijevanje područja Vraca, lokacija Kovačići-Vraca Sarajevo, Knjiga 3 Glavni projekat prilagođavanja novog rezervoara i pristupnog puta izmjenjenoj lokaciji, urađen od strane SOUR Unioninvest Sarajevo,1981 godine,

- Vodosnabdijevanje područja Vraca, lokacija Kovačići-Vraca Sarajevo, Knjiga 2 Crpna stanica Kovačići-arhitektonsko građevinski projekat, urađen od strane SOUR Unioninvest Sarajevo,1981 godine,
- Vodosnabdijevanje područja Vraca, lokacija Kovačići-Vraca Sarajevo, Knjiga 1 Crpna stanica Kovačići-montažno mašinski projekat, urađen od strane SOUR Unioninvest Sarajevo,1981 godine,
- Rezultati ispitivanja mikrobioloških i fizičko-hemijskih parametara kvaliteta vode- Izvorište-Vrelo Kovačići od 01.2020.-07.2025. godine urađeni od strane Službe za sanitarni nadzor i kontrolu kvaliteta vode K.J.K.P. „Vodovod i kanalizacija“ d.o.o. Sarajevo - kopije,
- Izvještaji o ispitivanju uzoraka vode, broj:8928/25, 2807/25, 18276/24 urađeni od strane J.U. Zavod za javno zdravstvo Kantona Sarajevo – kopije,
- Izvještaj o uzorkovanju broj:3385-6-2/24 urađen od strane „Euro Inspekt“ d.o.o. Sarajevo – kopija,
- Analitički izvještaji broj:272-25/01-150/24, 272-2501-031/23, 272-2501-086/21 urađeni od strane Zavod za javno zdravstvo Federacije Bosne i Hercegovine – kopije,
- Izvještaji o ispitivanju broj:1132-11/24 urađen od strane „Institut za vode“ d.o.o. Bijeljina – kopija.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-393-2/25 od 09.10.2025. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- Vrelo Kovačići nalazi se u urbanoj zoni Grada Sarajeva. Koordinate izvorišta su: X 6 532 950, Y 4 855 890, Z 588,50 m n.m.
- U sklopu kaptaze izgrađen je rezervoarski prostor kapaciteta 319 m³. Kaptaza je izgrađena krajem 19-og stoljeća (1904. godine). Zahvata se kompletno vrelo. Voda se od izvora transportuje cjevovodom profila DN 350 mm do rezervoara „Kovačići“ (zapremina V=1136 m³) koji je lociran u neposrednoj blizini vrela na koti 584 m.n.m. U sklopu rezervoara izgrađena je pumpna stanica „Kovačići“, pomoću koje se voda transportuje u rezervoar „Vraca“ na koti 644 m n.m. Pored cjevovoda za transport i distribuciju vode za evakuaciju vode iz sistema izgrađena su i dva cjevovoda ispusta profila DN 200 mm.
- Izdašnost vrela iznosi: $Q_{min}=40$ l/s; $Q_{sr}=60$ l/s; $Q_{max}= 80$ l/s. Ukupno zahvaćene količine vode osciliraju, obzirom da su iste u ovisnosti od hidroloških uvjeta, tako da se u prosjeku vrijednost zahvaćenih količina kreće oko 68,50 l/s. Nakon zahvatanja u sklopu kaptaznog objekta vrši se dezinfekcija vode. Dezinfekcija vode vrši se tečnim hlorom koji se u vodu dodaje metodom kapanja. Ovako hlorisana voda transportuje se prema rezervoaru, odakle se ista upušta u centralni sistem vodosnabdijevanja.
- Cjelokupni postupak održavanja instalirane opreme je propisan dokumentima sistema kvaliteta ISO 9001:2008 (operativne procedure, radna uputstva). Redovno održavanje elektromašinske opreme se uglavnom obavlja u vlastitoj režiji. Specifična oprema se održava uz pomoć trećih lica. Tu spada održavanje: trafo stanica, telemetrijskog sistema, sistema veze (radio stanice) i telefonskih centrala.
- Osiguranje i čuvanje svih vodoprivrednih objekta u sklopu Podcentra „Hrasno“, u čijem se sastavu nalazi Vrelo „Kovačići“, obezbijedeno je stalnom posadom - 24-časovna tehnološka dežura, a objekti koji nisu obezbijedeni ovom vrstom dežure povremeno se obilaze (dežurni su obavezni da u toku trajanja dežure dva puta obiđu sve objekte koji su u nadležnosti ovog vodoprivrednog sistema).

- Odlukom o zaštiti planinskih izvorišta vode za piće Sarajevskog vodovodnog sistema i dijela otvorenog toka rijeke Moščanice (Sl. Novine Kantona Sarajevo broj 22/97) utvrđena su zaštitna područja, zaštitne zone, veličine i granice zaštitnih zona (uža zaštitna zona površine 3,80 ha, prva zaštitna zona površine 0,20 ha, druga zaštitna zona površine 22,30 ha i treća zaštitna zona površine 1017 ha), kao i mjere zaštite u zonama Vrela „Kovačići“. Propisane mjere zabrane i ograničenja se sprovode na terenu, I zona je ograđena, table sa naznakom o zabranama pristupa su istaknute, ograđeni prostor se održava, i isti je sa stalnom posadom.
- Na osnovu rezultata uzoraka vode analiziranih od strane: Službe za sanitarni nadzor i kontrolu kvaliteta vode K.J.K.P. „Vodovod i kanalizacija“ d.o.o. Sarajevo, Zavoda za javno zdravstvo Federacije Bosne i Hercegovine, Instituta za vode d.o.o. Bijeljina, Euro Inspekt d.o.o. Sarajevo, Zavod za javno zdravstvo Kantona Sarajevo utvrđeno je da kvalitet voda odgovara tj. usaglašen je sa odredbama Pravilnika o zdravstvenoj ispravnosti vode za piće „Sl. glasnik BiH“ broj: 40/10, 43/10, 30/72 i 62/17.
- Količina zahvaćene vode vrši tj. mjerenje iste se obezbjeđuje putem mjerača protokavodomjera: Vraca, proizvođač ITRON, vrsta DN 150, serijski broj:19BK048861 i Kovačići za grad, proizvođač WESAN, vrsta DN 300, serijski broj:0039939.
- U toku važenja prethodnog rješenja o vodnoj dozvoli nije bilo vanrednih situacija niti je izvorište bilo izvan upotrebe. U prethodnom periodu KJKP „Vodovod i kanalizacija“ d.o.o. Sarajevo nije vršilo rekonstrukciju, revitalizaciju postojećeg vodozahvatnog objekata i pratećih objekata infrastrukture.
- U skladu sa zahtjevima iz rješenja o vodnoj dozvoli, UP-I/25-3-40-361-5/20 od 02.10.2020. godine pravno lice je postupio i to:
 - podatke o zahvaćenim količinama vode „ZV“ Obrasci dostavlja u AVP Sava.
 - vrši stalnu kontrolu kvaliteta zahvaćenih količina vode u skladu sa zahtjevima Pravilnika,
 - ugrađeni mjerači protoka, certificiranje istih je u proceduri,
 - korisnik je nabavio i instalirao novu hlorigatornsku opremu sa duplim plaštom sa mogućnošću automatskog pretakanja. Zid na kojem je instalirana oprema neophodno je popraviti-izvršiti rekonstrukciju istog. Podnu oblogu potrebno je prilagoditi namjenama prostorije.
 - postojeća Odluka o zaštiti izvorišta vode za piće „Kovačići“ nije usklađena sa "Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva" ("Službene novine Federacije BiH", broj 88/12).

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata K.J.K.P. „Vodovod i kanalizacija“ d.o.o. Sarajevo, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66., i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva K.J.K.P. „Vodovod i kanalizacija“ d.o.o. Sarajevo, ispunio minimum uslova za izdavanje vodne dozvole za zahvat vode na izvorištu „Kovačići“, općina Novo Sarajevo u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području grada Sarajevo, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog:

Tehnička dokumentacija navedena pod B. obrazloženja rješenja

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.grad.

Dostaviti:

- KJKP „Vodovod i kanalizacija“ d.o.o. , Jaroslava Černija br.8, 71000 Sarajevo, (sa prilogom),
- AVP-ISV-Vodna knjiga,
- Sektor 50,
- Sektor 40, arhiva,
- oglasna ploča – AVP Sava

preuzeo: Zido Mehović
15.10.2025.god.